

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 188. sjednici, održanoj 22.08.2019. godine, donosi

ZAKLJUČAK

1. Vlada Federacije Bosne i Hercegovine usvaja Izvještaj o provođenju Akcionog plana za upoznavanje javnosti, uništavanje i suzbijanje širenja ambrozije na području Federacije Bosne i Hercegovine, koje je sačinilo Federalno ministarstvo okoliša i turizma.
2. Federalni i kantonalni organi uprave i upravne organizacije referentne za pojedine komponente Akcionog plana koji nisu dostavili svoje izvještaje ni podatke o njihovom izvršenju, obavezuju se da planiraju finansijska sredstva za realizaciju predviđenih obaveza i najkasnije do četvrtog mjeseca naredne, 2020. godine, dostave odgovarajuće izvještaje Federalnom ministarstvu okoliša i turizma.
3. Sve institucije odgovorne za provođenje Odluke o mjerama za sprečavanje širenja i uništavanje korovske biljne vrste ambrozija *Ambrosia artemisifolia L.*, („Službene novine Federacije BiH“, broj: 89/11), na području Federacije Bosne i Hercegovine se obavezuju da ispunjavaju zadate obaveze, federalne i kantonalne, u skladu sa svojim nadležnostima da planiraju finansijska sredstva i najkasnije do četvrtog mjeseca naredne, 2020. godine, podnesu odgovarajuće izvještaje.
4. Zadužuje se Fond za zaštitu okoliša Federacije Bosne i Hercegovine, da u 2020. godini obezbijedi finansijska sredstva za uništavanje ambrozije na području Federacije Bosne i Hercegovine.
5. Federalna uprava za inspeksijske poslove i kantonalni inspektorati trebaju pojačati nadzor u skladu sa svojim zakonskim ovlaštenjima i nastaviti provoditi zaduženja prema Odluci o mjerama za sprečavanje širenja i uništavanje korovske biljne vrste ambrozija *Ambrosia artemisifolia L.*, te dostaviti Izvještaj Federalnom ministarstvu okoliša i turizma o provedenim aktivnostima najkasnije do četvrtog mjeseca naredne 2020. godine.
6. Zadužuje se Federalno ministarstvo okoliša i turizma da nastavi koordinirati aktivnosti na provođenju Akcionog plana kao i da objedini sve pojedinačne izvještaje federalnih institucija u integralni Izvještaj za tekuću godinu i da ga dostavi Vladi Federacije Bosne i Hercegovine na razmatranje i usvajanje.
7. Ovaj zaključak stupa na snagu danom donošenja.

V. broj: 960 /2019
22.08.2019. godine
Sarajevo

